



武  
83  
卷 9

岡氏  
杏庭

岡氏  
杏庭

保嬰全書卷之九

贈太醫院院使薛鎧 編集

前太醫院院使男薛巳治驗

吐血

經曰清者為榮濁者為衛榮行脉中衛行脉外蓋榮者水穀之精氣也和調於五臟灑陳於六府故能入於脉夫榮者陰血也所主在心統化在脾藏在肝宣布在肺輸泄在腎

灌溉一身滋養百脉諸經由此而生毓焉然  
血之所統者氣也故曰氣主响之血主濡之  
是以氣行則血行氣止則血止陽生陰長夫  
倡婦隨之道也若氣一傷則變症百出故妄  
行則吐血衄衰涸則虛勞降下則便紅熱陷則  
溺赤滲於腸胃則爲腸風陰虛陽搏則爲崩  
漏此皆氣有殄戾之乖而血乃生滲溢之患  
也然養陰者可不先知養陽之道乎小兒患  
之多因稟賦積熱或食膏粱厚味或乳母七  
情鬱火所致法法若氣虛血弱當以人參補  
之陽旺則陰生血也若四物湯者獨能主血  
分受傷爲氣不虛也若左寸關脉數而無力  
血虛也四物湯加參朮浮而無力氣虛也補  
中益氣湯尺脉數或無力腎虛也六味地黃  
丸右寸關脉數而有力者肺胃熱也犀角地  
黃湯後用四物湯加參苓白朮尺脉數而無

力陰虛也用六味地黄丸若面黃目澁眇多  
手麻者脾肺虛也用黃芪芍藥湯

治驗

一小兒年十餘歲鼻衄肝脉弦數肝藏血  
此肝火血熱而妄行用小柴胡加山梔龍  
膽草四劑而血止又用四物苓連蘆薈山  
梔甘草作丸服又以地黄丸滋腎水生肝  
血而愈

一小兒久鼻衄右顙鼻準微赤此脾胃傳  
熱於肺而不能統也先用六君桔梗當歸  
山梔而血止次用人參黃芪散以調補脾  
肺而愈

一小兒壯熱吐血或無衄血右顙鼻準赤  
色乃肺胃積熱用濟生犀角地黄四劑而  
血並止後因母飲酒復作用清胃散母子  
服之而愈

一小兒吐血不止鼻準赤色審其乳母有鬱熱用加味歸脾湯加味逍遙散母子並服各數劑血少止又用八珍湯加柴胡牡丹皮而愈

一小兒因母屢恚怒發熱吐血或時衄用加味小柴胡湯之類治其母並愈後其母因勞役無怒氣致兒患驚搐或用抱龍丸又加吐血予以加味道遙散母子並愈厥

後乳母仍勞役發熱此兒即驚搐或吐血或衄血母用補中益氣湯子用犀角地黄湯頓愈

一小兒十歲因傷厚味吐血用濟生犀角地黄湯解食毒清胃熱又用四君牡丹皮升麻調補脾胃而愈惟肢體倦怠兩手作麻用黃芪芍藥湯數劑而安

一小兒吐血因乳母火鬱發熱兩脇作痛

後吐血以加味歸脾湯加吳茱萸製黃連  
治母兒不時飲數匙月餘並愈後母因怒  
吐血寒熱兒亦吐血先用加味小柴胡湯  
二劑後用加味道遙散治其母悉愈

一女子年十四歲因驚寒熱發搐服鎮驚  
之藥更吐血尋衣撮空身如炙煩躁不眠  
飲食不入脉洪大而無倫次按之豁然而  
空用加減八味丸料二劑諸症悉退脉息

按之如絲無氣以動用人參一兩煎服不  
應仍用人參一兩附子五分二劑元氣頓  
復

一女子十三歲因怒吐血咬牙發搐用加  
味逍遙散加釣藤鈎而愈次年出嫁懷抱  
鬱結胸滿食少吐血面赤此因肝火動而  
血熱脾氣虛而不能攝血也用六味丸及  
歸脾湯加山梔貝母而愈

一小兒十四歲發熱吐血屬足三陰虛余謂宜補中益氣以滋化源不信仍用寒涼降火前症愈甚或謂曰小兒未有室何腎虛之有參芪補氣奚為用之余述丹溪先生云腎主閉藏肝主疎泄二臟俱有相火而其系上屬於心心為君火為物所感則相火翕然而起雖不交會而其精亦暗耗矣又褚氏云男子精未滿而御女以通其精則五臟有不滿之處異日有難狀之疾正此謂也遂用補中益氣湯及六味地黃丸而痊

黃芪芍藥湯治衄多歲面黃眼澁多眵手麻

黃芪 三兩

甘草 炙

升麻

葛根

芍藥

炒黃各一兩

羌活

半兩

右每三錢水煎服

愚按此手足太陰陽明藥也然血虛又則

陽亦虛矣故血不足則麻木陰虛火動變  
症百出實非風也此出升陽滋陰例

人參黃芪散虛勞客熱消瘦倦怠口燥咽乾

日晡潮熱五心煩熱盜汗胸滿食少作渴

咳唾時有膿血

天門冬去心半夏

知母炒黃

桑白皮 赤芍藥炒

黃芪炒

紫苑 甘草炙各

白茯苓

柴胡 秦艽 生地黃

熟地黃 地骨皮各二 人參

桔梗各一 鼈甲醋炙

右剉散每服三五錢水煎服大人亦得方

有生薑

四物湯方見急驚

加味小柴胡湯

小柴胡湯方見瘧症



清胃散

加味歸脾湯

加味逍遙散

四君子湯

六君子湯

五方見內鈞

濟生犀角地黄湯

方見使血

補中益氣湯

方見虛羸

八珍湯即四君四物二湯合用也

六味丸

方見腎臟

虛羸

仲陽云小兒虛羸因脾胃不和不能乳食使肌體瘦弱或大病後脾氣尚弱不能傳化穀氣所致若冷者時時下利唇口清白熱者身溫壯熱肌體微黃更當審其形色察其見症如面赤多啼心之虛羸也面青目劓肝之虛羸也耳前後或耳下結核肝經虛火也頸間

肉裏結核食積虛熱也面黃痞滿脾之虛羸也面白氣喘肺之虛羸也目睛多白腎之虛羸也仍審相勝而藥之又寒熱二症不可不辨若腹痛瀉利清白不渴喜熱此屬寒症雖在夏月宜木香丸身熱煩躁瀉利焦黃作渴喜冷此屬熱症雖在冬月宜胡黃丸皆捨時從症之治法也

治驗

一小兒十三歲面赤驚悸發熱形體羸瘦不時面白噯氣下氣時常停食服保和丸及清熱等藥余曰面赤驚悸心神怯也面白噯氣心火虛也大便下氣脾氣虛也此皆稟心火虛不能生脾土之危症前藥在所當禁者不信又服枳朮丸鎮驚等藥而諸症益甚大便頻數小腹重墜脫肛痰涎飲食日少余先用六君子湯為主佐以補

心丸月餘飲食少進痰涎少止又用補中  
益氣湯送四神而愈畢姻後病復作墮時  
至仲冬面白或鰲色手足冷喜食胡椒薑  
物腹中不熱脉浮按之微細兩尺微甚乃  
用八味丸元氣復而形氣漸充年至二十  
苦畏風寒面目赤色發熱吐痰唇舌赤裂  
食椒薑之物唇口即破痰熱愈甚腹中却  
不熱診其脉或如無或欲絕此寒氣逼陽  
於外內真寒而外假熱也仍用八味丸而  
諸症頓愈

一小兒八歲面常青色或時色赤日間目  
劓夜睡咬牙二年餘矣服清肝降火之藥  
益甚形氣日羸余考績到京求治於余  
曰肝主五色入心則赤自入則青蓋肝屬  
木而生風故肝氣爲陽爲火肝血爲陰爲  
水此稟肝腎精血不足虛火內動陰血益

虛虛而生風風自火出故變面赤目劄等  
症耳非外風也遂用地黃丸以滋腎水生  
肝木兩月目劄咬牙悉止又三月許諸症  
尋愈而元氣亦充矣凡肝經之症若肝木  
實熱生風而自病或肺金實熱而剋木者  
宜用清肝降火之劑以瀉其邪氣若肝經  
風熱而目直等症用柴胡梔子散以清肝  
火加味四物湯以養肝血若腎虛而咬牙  
諸症用六君子湯以健脾土六味地黃丸  
以滋腎水則愈

一小兒脾氣虛弱飲食停滯發熱作渴服  
瀉黃散不時下痢余先用保和丸二服而  
愈但不食惡心面青手冷又用六君柴胡  
升麻四劑面色痿黃食進手溫惟形體羸  
甚倦怠發熱小腹重墜肛門脫出用補中  
益氣湯加半夏肉豆寇二劑而安凡脾胃

保嬰全書卷九  
之症若發熱作渴飲食喜冷或泄瀉色黃  
睡不露睛者屬形病俱實宜用瀉黃散疎  
導之若發熱口乾惡冷或泄瀉色白睡而  
露睛屬形病俱虛宜用異功散調補之若  
脾氣下陷者補中益氣湯寒水侮土者益  
黃散肝木剋脾者六君加柴胡若目睛微  
動潮熱抽搐吐瀉不食宜用秘旨保脾湯  
凡小兒諸病先當調補脾胃使根本堅固  
則諸病自退非藥所能盡祛也

一小兒五歲形氣虛羸睡中咬牙夜間遺  
尿日間頻數余以爲稟腎氣不足用補中  
益氣湯加補骨脂地黃丸加鹿茸以補脾  
腎而痊畢姻後小便頻數作渴發熱日晡  
益甚恪服黃柏知母等藥以滋陰降火後  
患腎痿卧床年許余因考績北上仍用前  
藥喜其慎疾半載而痊

一小兒年十一歲面白或赤足軟不能久  
行用地黃丸加鹿茸年許而瘥畢姻後兩  
目羞明兩足仍軟用前丸及補中益氣湯  
而痊後病復發增口渴足熱頭顱覺開視  
物覺大此腎虛瞳人散大而然也服前藥  
遠房事則愈因不自保終患腎痿而歿仲  
陽先生云此症屬腦髓不足不能榮養宜  
用地黃丸補之有至七八歲或十四五歲  
氣血既盛而自合若縱恣色慾戕賊真陰  
亦不能盡其壽矣

一小兒體素虛弱患咳嗽痰涎服化痰藥  
而痰益甚余以為脾虛食積先用六君神  
麩山查漸愈後傷風咳嗽腹脹不食泄瀉  
酸臭此食滯傷脾而肺氣虛也用六君桔  
梗而愈又飲食停滯嘔吐痰涎喘嗽面白  
余謂脾虛不能消化飲食而為痰肺虛不

能攝氣歸源而作喘仍用六君子湯而愈  
大凡腠理不密外邪所感而肺病者因脾  
胃氣虛不能相生必用六君子湯若脾胃  
氣實大腸不利而肺病者用瀉黃散若心  
火炎爍肺金而喘嗽者用地黃丸

一小兒形瘦不時咳嗽自用參蘇飲一劑  
更加喘急驚搐面白或黃余謂此稟脾肺  
不足而形氣虛羸因前劑峻厲外邪雖去

而肺氣益虛肺虛則宜補脾先用異功散  
加桔梗釣藤鈎一劑痰喘頓定乃去桔梗  
加半夏當歸再劑驚搐亦去又加酸棗仁  
治之而安年十五歲發熱痰盛作渴面赤  
形體羸瘦用地黃丸加五味子及補中益  
氣湯各百餘劑而形氣漸壯若認為陰火  
用黃栢知母等藥復傷生化之源其亦不  
治者矣

一小兒五歲尚飲乳耳前後頸間至缺盆以手推尋其筋結小核如貫珠隱於肌肉之間小便不調面色青黃形氣羸瘦此稟母之肝火為患用九味蘆薈丸五味異功散加山梔柴胡與兒飲之又以加味逍遙散與母服之尋愈

一小兒患虛羸耳出穢水左手尺關洪數而無力余為清肝補腎耳中雖愈脉未全歛畢姻後患瘵症誤服黃柏知母之類復傷元氣不勝寒暑勞役無日不病幾至危殆余大補脾腎滋養元氣而愈

一小兒患症如前肢體消瘦面色痿黃大便酸臭此脾虛食積用四味肥兒丸五味異功散治之而愈

一小兒體瘦腹大寒熱嗜卧作渴引飲以白朮散為主佐以四味肥兒丸諸症漸愈



乃以異功散六味丸月餘而安

一小兒患前症身熱如炙此肝疳之症也  
朝用異功散夕用四味肥兒丸諸症稍愈  
佐以蚶蟆丸數服而痊

一小兒停食發熱服苓連三稜等劑飲食  
日少胸腹膨脹肢體羸瘦余謂脾虛飲食  
停滯元氣復傷先用補中益氣湯加木香  
釣藤鈎數劑漸効又用六君炮薑調理而

安

一小兒虛羸昏倦咳嗽驚悸自用參蘇散  
一劑更加喘急此脾肺氣虛而妄發表也  
用惺惺散微解外邪調和胃氣諸症頓愈  
但手足逆冷又用六君子湯調補元氣而  
安

一小兒九歲吞酸惡食肌體消瘦腹中作  
痛余謂食積虛羸也用保和丸而愈後腹

中數痛皆服保和丸余曰此因脾胃虛而飲食所傷也當調補脾土以杜後患不信後腹痛喜按余用五味異功散二劑因未應自用平胃散等藥腹脹作痛余仍以異功散加木香四劑而愈若屢用攻伐之劑陰損元氣多致虛羸深可慎也

參苓白朮散治脾胃虛弱飲食少思中滿痞噎心怔氣喘嘔吐泄瀉

白藹豆

二兩半薑汁浸去皮微炒

人參

白茯苓

白朮

甘草炒

山藥

各三兩半

蓮肉

桔梗

炒黃色

薏苡仁

宿砂仁

各二兩

右為末每服一錢棗湯調下

地黃丸

加肉桂一味九加減八味九

治小兒肝經虛熱血

燥或風客滯氣而患癰癧結核或四肢發搐眼目抽動痰涎上湧又治腎痺腦熱消

瘦手足如冷寒熱往來滑瀉肚脹口臭乾  
渴齒齲潰爛爪黑面黧遍身兩耳生瘡或  
兩耳出水或發熱自汗盜汗便血諸血失  
瘡等症其功不可盡述即六味地黃丸  
方見腎臟  
補中益氣湯治中氣虛弱體疲食少或發熱  
煩渴等症

人參

黃芪

各八分

白朮

甘草

陳皮

各五分

升麻

柴胡各二分

當歸一錢

右薑棗水煎空心午前服

愚按前方若因藥剋伐元氣虛損惡寒發  
熱肢體倦怠飲食少思或無飲食勞倦頭  
痛身熱煩躁作渴脉洪大弦虛或微細軟  
弱右寸關獨甚者宜用之凡久病或過服  
剋伐之劑虧損元氣而虛症悉具者最宜  
前湯若母有脾胃不足之症或陰虛內熱

致兒為患者尤宜用之

錢氏異功散治脾胃飲食少思吐瀉不食凡

虛冷症先與數服以正胃氣

即五味異功散見內鈞

愚按前方治脾胃虛弱吐瀉不食或驚搐

痰盛或睡而露睛手足指冷或脾肺虛弱

咳嗽吐痰或虛熱上攻口舌生瘡弄舌流

涎若母脾胃虛兒患此症亦當服之

四君子湯治脾氣虛損吐瀉少食肌肉羸瘦

方見內鈞

保和丸治飲食停滯胸膈痞滿噯氣吞酸或

吐瀉腹痛

加白木一兩即大安丸

神麴炒

山楂

半夏

茯苓

各一兩

陳皮

連翹

蘿蔔子

炒五錢

右為末粥丸桐子大每服三十九丸白湯送

下

愚按前方行氣尅滯之劑若元氣無虧暴  
停乳食而致斯症者宜用此消導之若元  
氣虛弱而乳食所傷者必調補胃氣為主  
而佐以消導若乳食已消而作嘔者乃胃  
氣被傷當用異功散補之不宜仍用前藥  
重損胃氣治者審之

肥兒丸治肝疳食積肢體消瘦二便不調

黃連

神麩

木香

各一兩  
五錢

檳榔

二十箇

肉苳蔻

二兩

史君子

酒浸  
去皮

麥芽

各四兩

右為末神麩糊丸麻子大每服二三十丸  
米飲下

愚按前方若食積五疳發熱口乾大便不  
調小便不清或頸項結核髮稀成穗寒熱  
作渴宜用之若脾胃稍虛者用五味異功  
散兼服虛甚者異功散為主佐以前藥

枳朮丸

方見癰塊

六君子湯

方見內釣

四神丸

方見脫肛

八味丸

方見腎臟

柴胡梔子散

方見急驚

四物湯

方見急驚

九味蘆薈丸

方見癰症

加味逍遙散

方見內釣

白朮散

方見積滯

蚶蜊丸

方見癰症

### 胃氣虛寒

經曰胃為水穀之海六腑之大源也人身氣血腑臟俱由胃氣而生故東垣之法一以脾胃為主所謂補腎不若補脾正此意也在小兒雖得乳食水穀之氣未全尤仗胃氣胃氣一虛則四臟俱失所養矣故丹溪謂小兒多

肝脾之疾也若面色皛白目無睛光口中氣冷不食吐水肌瘦腹痛此胃氣虛寒之症用五味異功散或六君子湯主之若大便不實無脾虛也加乾薑溫之中滿不利脾不運也加木香開之喜冷便秘胃實熱也用瀉黃散涼之命門火衰不能生土者用八味丸補之稟賦胃氣不足亦用此丸蓋下焦真陽充盛則上生脾元自能溫蒸水穀矣

治驗

一小兒傷食吐瀉不已後便泄青色睡而露睛手足指冷額黑唇青余謂大便青色木勝土也或時溇泄脾氣不足也額黑唇青寒水侮土也悉屬中氣虛寒用五味異功散加升麻柴胡木香附子二劑而愈  
一小兒盛暑嘔吐殮泄服黃連香薷飲益甚用白虎石膏湯而腹脹作痛手足並冷

余謂脾氣虛寒且夏月伏陰在內也用五味異功散加木香而愈

一小兒因傷乳食雜用消導之藥遂變痢久而不愈先用六君加木香而漸痊後用五味異功散而全愈

一小兒手足常冷腹中作痛飲食難化余謂胃氣虛寒也先用益黃散二服痛止次用六君子湯數劑即愈

一小兒九歲素惡風寒飲食少思至秋冬口鼻吸氣陰冷至腹手足如冰飲薑湯及燒酒方快其脉細微兩尺如無余謂此稟命門火衰也用還少丹不應改用八味丸旬餘諸症即愈

平胃散治脾胃不和不思飲食心腹脹痛口苦短氣惡心噯氣吞酸面黃體瘦嗜卧體痛霍亂吐瀉等症



厚朴

薑汁製五兩

陳皮

甘草

炙各一兩

蒼朮

米泔浸焙八兩

右為末每服二錢薑棗水煎沸湯點服亦得常服調氣煖胃化宿食消痰飲辟四時不正之氣

愚按前症若乳食停滯噯腐吞酸嘔噦惡心者宜服是方若飲食既消脾胃虛弱嘔吐惡心者則宜四君子湯

調中丸治脾胃虛寒

白朮

人參

甘草

炒各五分

八味地黄丸即六味地黄丸加肉桂附子各一兩治稟賦命門火衰不能生土以致脾土虛寒或飲食少思及食而不化腹臍疼痛夜多漩溺等症內經謂益火之源以消陰翳正此藥也

錢氏益黃散

一名補脾散

治脾胃虛冷吐瀉

方見脾臟

愚按前方若脾土虛寒或寒水侮土而嘔吐泄瀉手足並冷或痰涎上湧睡而露睛不思乳食者宜用此方若脾土虛弱吐瀉者用六君柴胡如不應或手足俱冷者屬虛寒加木香炮薑若因乳母脾虛肝侮亦治以前藥若乳母鬱怒致兒患前症者其母無服加味歸脾湯

瀉黃散

方見脾臟

觀音散

方見嘔吐

銀白散

方見慢驚

歸脾湯

異功散

六君子湯

三方見內鈞

食積寒熱

小兒食積者因脾胃虛寒乳食不化久而成積其症至夜發熱天明復涼腹痛膨脹嘔吐

保嬰全書卷九  
五  
吞酸足冷肚熱喜睡神昏大便酸臭是也有  
前症而無寒熱者名曰食積寒熱若食在胃  
之上口者吐之胃之下口者消之腹痛痞脹  
按之益痛者下之下後仍痛按之則止者補  
之夾食傷寒者先散之用參蘇飲熱甚便秘  
者先利之用大柴胡湯如無外感但只傷食  
不至於甚保和丸調之蓋脾為至陰之藏也  
故凡脾病者至夜必熱熱而無寒則又見所

勝者侮所不勝矣食未消者消之則寒熱自  
止食既消者補之則寒熱自痊若手足並冷  
喜熱飲食此中州虛寒也宜溫之大便欲去  
不去脾氣下陷也宜升之若夜間或侵晨泄  
瀉者脾腎俱虛也用四神丸手足並熱作渴  
飲水者脾胃實熱也用瀉黃散大便秘結用  
大柴胡湯手足雖熱口不作渴大便不實者  
用白朮散仍參腹痛腹脹積痛積滯治之

治驗

一小兒傷食腹脹胸滿有痰余用異功散而痊後復傷食腹脹作痛或用藥下之痛雖止而脹益甚更加喘粗此脾氣傷而及於肺也用六君加桔梗調補而痊

一小兒腹脹惡食寒熱惡心症類外感余曰氣口脉大於人迎此飲食停滯也用保和丸一服諸症頓退但腹脹未已用異功

散而痊

一小兒傷風咳嗽痰湧用六君桔梗桑皮杏仁而愈後飲食停滯腹瀉脹痛又用六君加山查厚朴而安復停食作嘔或用藥下之更加咳嗽余謂此脾肺益虛欲行調補彼以為緩乃服發表剋滯之藥前症益甚更加搖頭余用天麻散倍加釣藤釣及異功散而愈

一小兒胸腹脹痛寒熱頓悶以手按腹即哭此飲食停滯也先用保和丸一服前症即愈更加煩渴按其腹不哭此宿食去而脾氣未復也用五味異功散加柴胡治之而瘳

一小兒飲食停滯服消導之劑飲食既消熱尚未退此胃經虛熱也用六君子加升麻柴胡四劑而愈

一小兒先因飲食停滯服剋伐之劑更加腹痛按之則止余用六君子湯而愈後復傷食服保和丸及三稜檳榔之類更加腹重善噫此脾氣虛而下陷也仍用前湯加升麻柴胡木香而愈

一小兒面色青白飲食難化大便頻泄或用消積化痰等藥久不愈余謂脾胃虛弱也用六君子湯漸愈或以為食積宜驅逐

之遂反作瀉痰喘發搐余謂脾氣復傷不能生肺肺虛不能平肝而作是症先用六君加釣藤釣飲食少進又用五味異功散加升麻而愈

一小兒患前症腹痛服攻下之劑發熱不已大便不化按其腹不痛與冷水不飲此食積去而脾氣虛也用五味異功散加當歸升麻而愈

三黃枳朮丸治傷肉濕麪辛辣味厚之物致填塞悶亂不快

枳實

麩炒五錢

黃連

酒浸炒

大黃

濕紙裹煨

白朮

各一兩

黃芩

五錢

右為末湯浸饊餅為丸如菉豆大每服五十丸白湯下臨時量所傷多少加減服之

大柴胡湯

方見瘧症

四神丸

方見驚瀉

六君子湯

五味異功散

二方見內鈞

瀉黃散

方見脾臟

白朮散

方見積滯

保和丸

方見虛羸

加減腎氣丸

方見腹脹

天麻散

方見百啐內嗽即天麻丸

腫脹

經曰至陰者腎水也少陰者冬脉也其本在腎其末在肺皆積水也又曰腎者胃之關也關門不利故聚水而從其類也上下溢於皮膚故腑腫腹大上為喘呼不得卧者標本俱病也丹溪云惟腎虛不能行水脾虛不能制水胃與脾合又胃為水穀之海因虛而不能傳化腎水泛濫反得以浸漬脾土於是三焦停滯經絡壅塞水滲於皮膚注於肌肉而發

腫也其狀目胞上下微起肢體重着喘咳怔  
忡股間清冷小便澁黃皮薄而光手按成窟  
舉手即滿是也古方有十種論症以短氣不  
得卧為心水兩脇緊痛為肝水大便鶩溇為  
肺水四肢苦重為脾水腰痛足冷為腎水口  
苦咽乾為胆水下虛上實為大腸水腹急肢  
瘦為膀胱水小便閉泄為胃水小腹急滿為  
小腸水又有濕氣毒氣傷寒後瀉痢後氣血

虛者之五腫及疝氣癥積鎖肚胃膈作膨蛔  
氣虛冷積者之七脹亦當詳之其受濕氣者  
由脾胃之氣敦阜四肢頭面皆腫也食毒者  
脾傷積毒停留於胃也傷寒下早者邪氣乘  
虛而入也瀉痢後者脾氣虛也皆宜先調胃  
氣次可治腫其患七脹皆由血氣不足臟腑  
怯弱表裏俱虛邪正相亂以致四肢浮腫腹  
肚膨滿亦當先調榮衛分別陰陽治法宜補



中衍濕利小便凡有熱者水氣在表也可汗  
之身無熱者水氣在裏也宜下之腰已上腫  
宜利小便腰已下腫宜發汗此仲景之法也  
若遍身腫煩渴小便赤澁大便秘結此屬陽  
水遍身腫不渴大便溏泄小便清利此屬陰  
水陽水無陽證者脉必沉數陰水無陰證者  
脉必沉遲氣若陷下宜用二陳加升提之藥  
如腹脹少加木香調之若朝寬暮急屬陰虛

朝用四物湯加參朮夕用加減腎氣丸朝急  
暮寬屬陽虛朝用六君子湯夕用加減腎氣  
丸朝暮皆急陰陽俱虛也用八珍湯主之真  
陽虛者朝用八味地黄丸夕用補中益氣湯  
若肚腹痞滿肢體腫脹手足並冷飲食難化  
或大便泄瀉呼吸氣冷者此真陽衰敗脾肺  
腎虛寒不能司攝而水泛行也急用加減腎  
氣丸否則不治惟調補脾土多有生者

治驗

一小兒傷食腹脹服剋伐之劑小便澀滯改服五苓散小便益閉四肢頓腫余謂脾胃虛寒不能通調水道下輸膀胱故也朝用加減金匱腎氣丸夕用補中益氣湯而愈

一小兒患前症小便赤頻盜汗發熱朝間用補中益氣湯午間用五味異功散晚間用六味地黃丸而愈後作功課太勞盜汗發熱用八珍湯六味丸而痊

一小兒患前症飲食少思大便不實先用補中益氣湯又用五味異功散而愈畢姻後復發更手足並冷飲食難化或吞酸噎腐用六君子炮薑而痊後又發用八味地黃丸補中益氣湯而痊

一小兒小腹脹墜小便澀滯午前為甚以

補中益氣湯加木香與朝服以五味異功散加升麻柴胡與夕服兩月餘而愈後飲食失節腹脹燕酸用五味異功散四味柴芩丸而痊晁姻後復患如前更惡寒腹冷小便清頻大便不實手足並冷用補中益氣湯八味地黄丸而尋愈

二陳湯

方見寒吐

五苓散

方見五淋

八珍湯

即十全大補湯去黃芪肉桂方見自汗

六君子湯

方見內釣

加減腎氣丸

方見腹脹

八味地黄丸

方見腎臟六味丸加肉桂附子

補中益氣湯

方見虛羸

蚘蟲

巢氏云蚘蟲者九蟲之一也長尺許或五六寸者因臟腑虛弱及食其肥而動其動則腹

中攻痛或作或輟口吐涎水貫心則死用史  
君子丸之類下之錢仲陽云吐水不心痛者  
胃冷也吐沫心痛者蟲痛也與癘相似但目  
不斜手不搐耳安蠱散主之田氏云蟲痛者  
啼哭俛仰坐卧不安自按心腹時時大叫面  
色青黃唇色無白目無精光口吐涎沫也若  
因胃冷即吐用理中湯加炒川椒五粒檳榔  
五分煎下烏梅丸古云虫蝕上部則上唇有

白點虫蝕下部則下唇有白點腹中諸虫望  
前其頭向上望後其虫向下如欲用藥先以  
猪肝油炙使令兒聞其香味使虫頭向上則  
藥易伏若中氣虛而虫不安者但調補脾胃  
自安丹溪先生云冬月吐虫多是胃氣虛寒  
用錢氏白朮散加丁香二粒主之

治驗

一小兒患蟲動心痛先服大蕪荑湯下瘀

穢反作嘔少食右顛鼻準白中兼黃此脾  
肺氣虛也用異功散二服稍應更加炮薑  
一劑而安

一小兒吐瀉將愈心痛吐水手足並冷忽  
自手按心腹此胃氣虛寒類乎蟲痛也用  
益黃散而愈

一小兒病後吐水心間作痛余謂胃氣虛  
寒用五味異功散而愈後每吐凡患病飲  
食不進手足並冷即吐水心痛余用前散  
加升麻柴胡即愈或用逐蟲之劑前症益  
甚更加腹痛重墜余用補中益氣湯加炮  
薑治之而愈

史君子丸治五疳脾胃不和心腹膨脹時復  
作痛不食漸瘦並宜服之

史君子肉一兩厚朴製

橘紅

白芍藥 甘草炒

川芎各一錢

右為末蜜丸如皂角子大每服一丸陳米飲化下

安蟲散治蟲痛

胡粉炒

鶴虱炒

川練子

檳榔各二錢

白礬枯二錢半

右為末每服三五分米飲調下

烏梅丸治蚘厥當吐蚘今反靜而復煩此為臟寒蚘上入其膈故須臾復止得食而嘔

又煩蚘聞臭當自吐及治久痢方見傷風咳嗽

里中湯方見冷瀉

大蕪荑散方見疳症

異功散方見內釣

白朮散方見積痛

異黃散方見脾臟

疝氣

小兒陰腫疝氣者多屬肝腎氣虛及坐卧寒

濕之地或風邪所傷血氣相搏或啼叫氣逆  
水道不行或稟父肝經虛熱或妊娠肝氣鬱  
結或乳母怒動肝火而致者若兒肝經熱用  
梔子清肝散兒啼躁怒用均氣散乳母恚怒  
用柴胡清肝散肝火氣逆用加味逍遙散小  
腹作痛小便澀滯用龍膽瀉肝湯久坐冷地  
小便不利用四苓散加柴胡山梔車前子不  
時寒熱者加味小柴胡湯經云肝氣熱則莖  
筋弛縱腎莖腫脹或出白液痺痛或稟  
急筋縮挺縱不收或精隨便下者此名筋疝  
俱屬肝火不係於腎宜詳治之

治驗

一小兒陰囊赤腫余作胎毒治瘡後發熱  
痰盛等症診其母素有鬱熱用加味歸脾  
逍遙二藥子母俱服而愈後吐瀉小便赤  
澀兩目睜動視其實卯二關脉赤此屬肝

經風熱也用柴胡清肝散加釣藤鈎木賊  
草而愈

一小兒陰莖作痒小便頻數此屬肝火之  
症反服五苓散頸間結核余用柴胡梔子  
散四味肥兒丸諸症稍愈又用蝦蟆丸而  
痊

一小兒莖痿濕痒後陰囊焮腫莖中作痛  
時出白津余診之肝火也用龍膽瀉肝湯

六味地黄丸而愈

一小兒睪丸作痛小便赤澁寒熱作嘔乃  
肝脾之疝用小柴胡湯加山梔車前子茯  
苓而愈

一小兒睪丸腫靛小便黃澁用小柴胡湯  
加車前子山梔并蘆薈丸而消

一小兒莖中作痒一小兒下疳潰爛作痛  
發熱一小兒莖中潰痛小便秘瀉日晡尤



盛一小兒目痒出水連劄項間結核陰囊  
搔痒俱屬肝火之症俱用九味蘆薈丸而  
愈

一小兒小便澀滯陰囊腫痛寒熱此肝經  
濕熱也用龍膽瀉肝湯而消但內熱倦怠  
此無脾氣虛也用四君柴胡山梔芎歸而  
愈

一小兒陰囊赤腫因乳母怒氣及飲酒而  
發余審之因於怒則用加味逍遙散因於  
酒則用加味清胃散並加漏蘆乾葛神麩  
與母子服之隨愈

一小兒陰囊腫痛小便赤澀用加味小柴  
胡湯加漏蘆母子並服而愈

一小兒稟肝腎虛弱羸丸常腫用六味地  
黃丸料加柴胡母子並服兩月餘而痊

劉武庫子羸丸作痛小便赤澀寒熱作嘔

用小柴胡湯加山梔車前子茯苓而愈  
一小兒腹內一塊攻痛小便不調用龍膽  
瀉肝湯蘆薈丸而愈後形氣消燦發熱作  
渴此肝木制脾土也用補中益氣湯及蘆  
薈丸而愈

龍膽瀉肝湯治肝經濕熱兩拘腫痛或腹中  
作痛或小便澀滯等症

龍膽草

酒拌炒黃澤瀉各二分

車前子炒

木通

生地黄

酒拌

當歸

酒拌

山梔炒

黃芩炒

甘草

各一分

右水煎服

四君子湯

加味逍遙散

加味清胃散

加味歸脾湯

四方見內鈔

五苓散

方見五淋

九味蘆薈丸

方見疳症

補中益氣湯

方見虛羸

加味小柴胡湯

方見瘧症

六味地黃丸

方見腎臟

梔子清肝散

柴胡清肝散

二方見發熱

四味肥兒丸

方見寒吐

四苓散

即五苓散去肉桂

渴症

百問云小兒唇紅如丹即發渴紅甚焦黑則危篤若三焦虛煩作渴者用三黃湯傷寒後唇口焦者用白虎湯竹葉湯瀉痢作渴者用四苓散之類常治暑積心脾煩渴引飲者用白虎湯下利脾虛作渴者用七味白朮散熱結膀胱小便秘渴者用五苓散上焦虛熱者用四君子湯膏粱積熱者用清胃散脾胃積

熱者用瀉黃散中氣虛熱者用異功散腎水  
虛熱者用六味丸其餘疳症發熱各詳本症  
胎稟所致者當各審其因若誤用寒涼降火  
脾胃復傷則腫脹而為敗症矣

治驗

一小兒發熱作渴用瀉黃散大便重墜口  
角流涎仍欲瀉火余曰鼻準青白多而黃  
色少屬脾胃虛寒肝木所侮蓋口角流涎

胃氣不能統攝也大便秘重墜脾氣不能上  
升也不信另用涼劑果眉唇微動四肢微  
搐余曰此虛極而變慢脾風矣用六君當  
歸木香炮薑釣藤鈎二劑益甚意欲更劑  
余曰此藥力未及也仍以前藥加附子一  
片服之即安去附子又二劑而愈  
一小兒吐瀉後患渴症飲食少思肌體消  
瘦用七味白朮散渴漸止五味異功散加

升麻飲食漸進又用補中益氣湯肌肉頓生

一小兒嗜膏粱其味發熱作渴小便白濁用四味肥兒丸佐以瀉黃散稍愈復傷食吐瀉服消食丸胃氣復傷飲食少思肢體倦怠而渴先用七味白朮散而渴止次用五味異功散而痊

一小兒面白色白患渴症唾痰發熱服清熱化痰之藥大便洞瀉小便頻數此脾腎虛而復傷也朝用補中益氣湯夕用四神丸諸症漸愈又佐以六味地黃丸而愈

一小兒十五歲用心太過兩足發熱日晡益甚服人參固本丸之類熱益甚痰涎上湧體倦更唾痰服化痰滋陰之劑痰涎益甚更頭目眩暈體倦少食請余治仍欲清熱化痰滋陰余曰兩足發熱陰虛也痰涎

上湧腎不能攝也頭目眩暈胃氣不能上  
 升也此稟賦不足勞役過度而然耳遂朝  
 用補中益氣湯夕用加減八味丸元氣漸  
 復諸症漸愈但用心於功課即頭暈發熱  
 用前藥即愈畢姻後諸症復作服前藥半  
 載而痊後再發更大小便牽痛用補中益  
 氣湯八味地黃丸獨參湯而得生  
 竹葉石膏湯

石膏

錢一

半夏

分三

甘草

人參

各二分

麥門冬

粒十

竹葉

握一

右生薑汁一匙水煎服

三黃湯

黃芩

黃連

黃柏

各等分

右水煎服

白虎湯

方見發熱

五苓散

方見五淋

七味白朮散 方見積滯

四君子湯

六君子湯

清胃散

異功散 四方見內鈞

六味丸 方見腎臟

四苓散 即五苓散去桂

補中益氣湯 方見虛羸

四味肥兒丸 方見寒吐

消食丸 方見嘔吐乳

四神丸 方見驚瀉

煩躁

仲景云火入於肺則煩入於腎則躁夫心者君火也火王則金燔水虧而火獨存故肺腎合而為躁也活人云但煩熱者虛煩也諸虛煩熱與傷寒相似但不惡寒鼻不疼故知非

傷寒也頭不痛脉不緊故知非裏寒也不可  
發汗攻下當與竹葉湯兼嘔者與橘皮湯又  
心虛則先煩而後渴翁翁發熱其脉浮緊而  
大是也蓋煩者心中煩擾為內熱故屬陽躁  
者肢體躁動或裸身欲入井中為外熱故屬  
陰外熱者無根之火也是以為虛在小兒當  
辨其啞煎不安是煩啞哇不定是躁啞煎者  
心經有熱精神恍惚煩滿生驚啞哇者心經  
有風煩躁驚搖也熱甚者黃連解毒湯輕者  
導赤散風熱者至寶丹脉數而實便閉有熱  
者神芎丸此皆實熱之治法也若煩而頭痛  
短氣口乾咽燥不渴者虛也用四君加芎歸  
因藥攻伐而作渴者用竹茹湯煩而不得眠  
者酸棗仁湯心神顛倒煩熱欲吐者朱砂安  
神丸面戴陽目內赤六脉洪大按之全無者  
血虛發躁用當歸補血湯若躁而裸體欲入



井中脉沉細或浮大按之如無者此皆陰盛發躁也宜用參附湯有回生之功

### 治驗

一小兒煩躁驚悸熱渴飲冷額間色赤此心經實熱所致先用瀉心湯一服稍緩又用柴胡梔子散而瘥

一小兒痢後發熱煩躁用四君當歸升麻柴胡頓安又用補中益氣湯而愈又傷食

作瀉前症復作吞酸先用異功散加吳茱萸木香為末二服吞酸悉止乃采艾艾香治之而安

一小兒潰瘍煩躁驚搐撮空用六味地黃丸料煎服以滋腎肝用五味異功散以補脾肺漸愈又用八珍湯而痊

一小兒患癍疹服發汗之藥煩躁作渴先用當歸補血湯及東垣聖愈湯諸症漸安

又用八珍湯加麥門冬五味子而愈  
一小兒痢後煩躁作渴面赤脉大按之如  
無此血脫煩躁也先用當歸補血湯又用  
五味異功散加升麻當歸而安又傷食作  
瀉不已復煩躁用異功散為主佐以八珍  
湯而安

一小兒患瘰癧服下毒之藥發熱煩躁口  
渴作嘔此元氣復傷用八珍湯倍加參芪  
歸朮治之漸安又用四君當歸升麻而安  
清熱解毒丸治五臟積熱毒氣上攻胸臆煩  
悶咽喉腫痛赤眼壅腫頭面發熱唇口乾  
燥兩頰生瘡精神恍惚心忪悶亂坐卧不  
寧及傷暑毒面赤身熱心煩躁而渴飲食  
不下

寒水石

石膏各八兩

青黛四兩

右研末入青黛和勻蒸餅七箇水調為丸

如芡實大每服一九食後新汲水化下或  
細嚼生薑湯下如中諸毒並宜服之及驚  
風潮熱痰涎壅塞心胸煩躁頰赤多渴坐  
卧不穩每服半粒量大小加減

橘皮湯

橘皮一兩半

甘草炙半兩

人參二錢五分

竹茹半兩

右每服五錢薑水煎食前服

東垣聖愈湯治諸瘡出血多而煩躁不得眠

熟地黄

生地黄

川芎

人參各五分

當歸身

黃芪各一錢

右水煎服

瀉心湯治心經實熱口舌生瘡煩躁發渴

宣黃連

犀角各等分

右水煎服

黃連解毒湯方見諸痢

竹茹湯

方見嘔吐乳

酸棗仁湯

方見驚癇

朱砂安神丸

方見疴症

神芎丸

至寶丹

二方見驚風

導赤散

方見心臟

異功散

四君子湯

二方見內鈞

注夏

脾為太陰位屬坤土喜燥而惡濕故凡脾胃  
 之氣不足者遇長夏潤溽之令則不能升舉  
 清陽健運中氣又復少陽相火之時熱傷元  
 氣則肢體怠惰不收兩脚痿弱嗜卧發熱精  
 神不足飲食少思口中無味呼吸短乏氣促  
 目中視物慌慌小便赤數大便不調名曰注  
 夏此皆稟賦陰虛元氣不足之症丹溪補陰

論言之詳矣育子者其可不知冬月養陽之道乎治法用補中益氣湯去升麻柴胡加炒黑黃栢主之若因勞役發熱血虛脉大者用當歸補血湯氣血兩虛者八珍湯肝腎陰虧者地黄丸大便作瀉者人參理中湯若乳母肝火乘脾寒熱少食者柴胡梔子散胃火作渴者竹葉石膏湯小兒多因乳母之氣不調而致當戒怒氣調飲食適寒溫則可以遠病

矣又如今人夏月皆以香薷湯浸冷代茶飲之殊不知香薷利水大損元陽厚朴剋伐大瀉真氣况脾性喜溫而惡寒夏月陰盛於內冷啜傷脾若胃強有火濕熱為病之人固無大害其脾胃虛弱中氣不足者必為腹痛少食泄瀉寒中之疾矣此大人亦所當戒者况小兒乎慎之慎之

治驗

一小兒每春夏口乾發熱怠惰嗜卧勞則  
頭痛服清涼化痰之藥喘瀉煩躁不安服  
香薷飲脉大神思昏憤余用補中益氣湯  
去升麻柴胡加五味麥門炮薑一劑未愈  
又加肉桂五分即甦更用六味丸而愈  
一小兒稟脾腎虛弱注夏發熱二便不調  
朝用補中益氣湯夕用地黃丸而愈後因  
乳母怒氣致兒發熱驚搐用柴胡梔子散

母子並服而瘥

一小兒素有食積注夏發熱倦怠少食大  
便不實朝用五味異功散必加升麻柴胡  
夕用四味肥兒丸而尋愈

一小兒稟賦腎虛患注夏之疾因乳母大  
勞則發熱益甚用補中益氣湯令母子並  
服而愈後因乳母多食膏粱又患瘡疾煩  
躁作渴先用竹葉石膏湯及補中益氣湯

將瘥母着怒氣大熱發搐用柴胡梔子散  
加味道遙散而痊

一小兒注夏食生冷之物腹中作痛之甚  
則發搐厥冷用人參理中丸而愈

一女子年十四患注夏經行之後發熱晡  
熱煩躁作渴面赤脉洪大按之如無此血  
脫發燥先用當歸補血湯四劑又用八珍  
湯而安

柴胡梔子散

當歸補血湯

二方見發熱

八珍湯

方見自汗

補中益氣湯

方見虛羸

地黃丸

方見腎臟

人參理中湯

方見冷瀉

竹葉石膏湯

方見渴症

汁藥... 治... 功效...

入參... 功效...

血黃... 功效...

蘇中益... 功效...

人... 功效...

當... 功效...

梁... 功效...



